

Eanan- ja meahccedoalloministeriija ášahus

guollebivddus Deanu čázádagas Norggain dahkkon soahpamuššii vuodđuduvvi bivdolobiin jagi 2021

Eanan- ja meahccedoalloministeriija mearrádusa mielde mearriduvvo Deanu čázádaga guollebivddus Norggain dahkkon soahpamuša láhkaásahansuorgái gullevaš mearrádusaid fápmuibidjamis ja guoskadeamis addojuvvon lága (176/2017) 8 § 4 momeantta, 10 § 2–4 momeanttaid, 11 § 3 momeantta ja 12 § 4 momeantta vuodul:

1 §

Bivdolobiid haddemearrideapmi

Suoma ja Norgga gaskkas Deanu čázádaga guollebivddus dahkkon soahpamuša (SopS 42/2017 ja 42/2017, maŋŋá soahpamuš) bivdonjuolggadusa 4 § 4 čuoggáin dárkkuhuvvon Suoma guolástanlohpedihtomeari gáddeguolástanlobiin berrojuvvo 20 euro guolástanjándormáksu. Gáddeguolástanlobiid guolástanáigodat lea geassemánu 14 beaivvi rájes suoidnemánu 31 beaivvi rádjái 2021.

Ovdalis 1 momeanttas spiehkastahkan vuollel 18-jahkásačča lotnun gáddeguolástanlobis berrojuvvo 10 euro máksu.

Guolástanáigodagas 2021 lea dasa lassin spiehkastahkan ovdalis 1 ja 2 momeanttain vejolaš-vuohta laktojuvvojit guolástanlobiide nuvtá okta dahje eambo mánnálobit, mii vuoigadahtta eará guovllus go Deanu čázádaga johkalegiin fásta ássi vuollel 16-jahkásačča bivdit eanemusat ovttain stákkuin dahje giehtaduorgguin hávil. Mánnálohpi ii lohkkujuvvo lohpedihtomeriide guolástanjuolggadusa 5 § 2 momeantta mielde.

2 §

Sierrabivdolohpemeari

Soahpamuša bivdonjuolggadusa 5 § 4 momeanttas ja guollebivddus Deanu čázádagas Norggain dahkkon soahpamuša láhkaásahansuorggi mearrádusaid fápmuibidjamis ja guoskadeamis addojuvvon lága (176/2017), maŋŋá fápmuibidjanláhka, 12 §:s dárkkuhuvvon sierraguolástanlohpeameari mearri lea 2414 gáddeguolástanlobi.

Sierraguolástanlohpeameari gáddeguolástanlobit leat fámus oppa rádjálohkaviidodagas.

Fápmuibidjanlága 12 § 2 momeantta mielde lobi vuovdimis ovddasvástideaddji oassebealli meroštallá osolašlogahallama vuodul jahkásaččat gerddona, man mielde vuoigatvuohta vuosttas sierradihtomearrelobiin čuovvovaččaide mearrašuvvá. Gerddon galggašii meroštallot nu ahte váldojuvvo vuhtii osolašlogahallama lassin lobiid ovddit jagiid geavahandássi sihke lobiid lotnumii vuoigadahtton guolástanvuoigatvuoda oamasteaddjiid oasus soahpamušviidodaga giddodagaid oasuslogus. Jagi 2021 gerddon galggašii ášahuvvot gaskii 6-8.

Sierrabivdolohpemeari gullevaš lohpi galgá várrejuvvo suoidnemánu 15. beaivái d. 15 rádjái. Dán maŋŋá várrekahtes sierralohpemeari várrejuvvon lobit luomusmuvvet geavahuvvot turismaguolástanlohpeameari.

Sierrabivdolohpemeari lobiid miediheami várás lobiid vuovdimis ovddasvástideaddji oassebealli sáhtá geavahit Deanu golanguovllu giddodagaid oamastusa registtardieduid bivdovuoigatvuoda dárkkisteami várás, mat vuoigadahttet lohpi. Juos giddodaga oamasteaddji diedut eai gávdno lohpevuodima adnojuvvon registtardieduin, dahje dieduin leat eahpečielggasvuodát,

nu lobi oasti lea geatnegahtton čujuhit vuodustusa sierralohpedihtomeari geavahanvuoigatvuhtii, dego iežas oamastanoasi dahje čáhceguovllu oamastusas meari.

3 §

Bivdolóhpeboaduid čilgehusa addin ja luobaheapmi stáhtii

Lohpevuovdimis ovddasvástideaddji oassebealli ferte addit čilgehusa ja luobahit iežas vuovdin ja su lohku vuvdojuvvon bivdolobiin čoggon ruđaid sihke dain čoggon reanttu eanan- ja meahccedoalloministerijai guovtti earis maŋemustá 15 beaivvi siste čilgehusa addin- ja luobahanáigodaga maŋŋá. Vuosttas čilgehusa addin- ja luobahanáigodat guoská geassemánu 30 beaivvi rádjái dáhpuhuvvan mávssuid ja máhcahemiid sihke nubbi mávssuid ja máhcahemiid suoidnemánu 1 beaivvi ja borgemánu 30 beaivvi gaskkas.

4 §

Bivdolóhpeboaduid geavahanákkat

Juohkinprinsihpat mearriduvvojit jahkái 2021 dađi lági mielde, ahte lohpeboadut juhkkovuvvojit stáhta ja priváhta čáhceguovllu oamasteaddjiid gaskka guolástanavádagaid mielde guolástanjándoriid meari ja gáddesárgá guhkkodaga vuodul ja dán maŋŋá priváhta čáhceguovluid oamasteaddjiide máhcahanvuloš lohpeboadut juhkkovuvvojit guolástanavádagaid mielde guolástanjándoriid meari vuodul.

Bivdolobiid vuovdimis ovddasvástideaddji oassebeallái šaddan golut gokčovuvvojit lohpevuovdinboaduin. Dasa geavahuvvo vuosttas sajis jagi 2021 guolástanlohpeboaduin oassi, mii gullá stáhtii. Goluid gokčama maŋŋá badjebáza geavahuvvo oasistis stáhtii šaddan guolásteami bearráigeahččogoluid sihke dutkan- ja čuovvungoluid gokčamii.

5 §

Fápmuiboahhtin

Dát ášahus boahhtá fápmui geassemánu 11 beaivvi 2021 ja lea fámus juovlamánu 31 beaivvi 2021 rádjái.

Helssegis geassemánu 10 beaivvi 2021

Eanan- ja meahccedoalloministtar Jari Leppä

Ráđđádalli virgeolmmoš Tapio Hakaste